

Na osnovu Odluke o pokretanju postupka javne nabavke putem direktnog sporazuma broj: 01-247/18 od 28.02.2018. godine, a nakon provedenog postupka putem direktnog sporazuma, u skladu sa članom 87.stav (3) Zakona o javnim nabavkama ("Službeni glasnik BiH, br. 39/14), te u skladu sa članom 9. Pravilnika o postupku direktnog sporazuma Željezničkog školskog centra Sarajevo,

**Željeznički školski centar Sarajevo sa sjedištem u Sarajevu** ul. Ložionička br.8, koga zastupa direktor Ibro Čebirić, dipl.saobr.ing. (u daljem tekstu; **ugovorni organ**), poreski identifikacioni broj 4200228680005 i

**TP DISTRIBUTIVNI CENTAR DD SARAJEVO** sa sjedištem u Sarajevu ul. Rajlovačka bb, koga zastupa direktor, Hodžić Mirsad, dipl.ecc. (u daljem tekstu: dobavljač), poreski identifikacioni broj 4200115050005,

dana 06.04.2018.godine zaključuju slijedeći

## UGOVOR

### Član 1.

Ugovorne strane konstatuju:

- da je ugovorni organ sproveo direktni postupak za nabavku i isporuku hrane u domu učenika – putem direktnog sporazuma;
- da je dobavljač dostavio ponudu koja se nalazi uz materijal JNDS; broj: 442/18, od 29.03.2018. godine;
- Ugovor se zaključuje na osnovu provedenog postupka javne nabavke putem direktnog sporazuma – odluka direktora broj: 01-247/18 od 28.02.2018. godine.

### Član 2.

Predmet ugovora je nabavka i sukcesivna isporuka namirnica za ishranu (hrane) u domu učenika u ulici Safeta Zajke broj 6, određena u specifikaciji ponude dobavljača sa cijenom koja je sastavni dio njegove ponude.

### Član 3.

Ugovorna cijena iznosi ukupno 3.290,40 KM bez PDV (slovima: trihiljadedvjestotinedevdeset 40/100 KM), odnosno 3.849,76 KM sa PDV-om (slovima: trihiljadeosamstotinačetdesetdevet 76/100 KM)i ostaje nepromijenjena osim cijena za sezonsko voće i povrće koje će se utvrditi po tržišnoj vrijednosti na dan isporuke.

### Član 4.

Dobavljač se obavezuje da isporuči robu iz člana 2. ovog ugovora u svemu pod uslovima iz prihvaćene ponude.

Ako se zapisnički utvrdi da roba koju je dobavljač isporučio ima nedostatke u kvalitetu i očiglednih grešaka, dobavljač mora iste otkloniti najkasnije u roku od 15 dana od dana sačinjavanja zapisnika o reklamaciji, a ukoliko to ne učini ili ako se ista ili slična greška ponovi tri puta, dobavljač mora robu zamijeniti novom, koja ima jednake ili bolje karakteristike.

### Član 5.

Dobavljač je dužan da ugovornom organu isporuči robu sukcesivno po prijemu narudžbe. Mjesto isporuke je dom učenika Željezničkog školskog centra Sarajevo u ulici Safeta Zajke broj 8, Sarajevo.

Smatra se da je izvršena adekvatna isporuka kada ovlaštena osoba ugovornog organa u mjestu isporuke izvrši kvalitativan i količinski prijem robe, što se potvrđuje zapisnikom, koji potpisuju prisutne ovlaštene osobe ugovornog organa i dobavljača.

#### Član 6.

Zapisnik iz člana 5. stav 2. ovog ugovora i dostavljeni račun ugovornom organu, predstavljaju osnov za plaćanje ugovorene cijene.

Ugovorni organ se obavezuje da u roku od 30 dana od prijema ispravno ispostavljenog računa, po preuzimanju robe isplati cijenu na račun dobavljača.

U slučaju prekoračenja rokova iz stava.2. ovog člana, ugovorni organ duguje prodavcu iznos zakonske zatezne kamate.

#### Član 7.

Garantni rok je rok prihvaćen u ponudi dobavljača i počinje da teče od dana kada je zapisnički konstatovano preuzimanje robe.

#### Član 8.

Sve eventualne sporove koji nastanu iz ili povodom ovog ugovora – ugovorne strane će pokušati da riješe sporazumno.

Ukoliko sporovi između ugovornog organa i dobavljača ne budu riješeni sporazumno, ugovara se nadležnost stvarno nadležnog suda u Sarajevu.

#### Član 9.

Ovaj ugovor stupa na snagu danom potpisivanja od strane ovlašćenih osoba ugovornih strana.

#### Član 10.

Ovaj ugovor se može izmijeniti samo pisanim aneksom, potpisanim od strane ovlašćenih osoba ugovornih strana.

#### Član 11.

Na sve što nije regulisano ovim ugovorom, primjenit će se odredbe Zakona o obligacionim odnosima.


#### Član 12.

Ovaj ugovor je sačinjen u 4 (četiri ) istovjetna primjerka, po 2 (dva) primjerka za obje ugovorne strane.

#### Član 13.

Ugovorne strane saglasno izjavljuju da su ugovor pročitale, razumjele i da ugovorne odredbe u svemu predstavljaju izraz njihove stvarne volje.


DOBAVLJAČ



Broj: 1182/18



UGOVORNI ORGAN



Broj: 01-394/18